



Komisyon Reveni Sesel (SRC)
Seremoni Depoz Premye Pyer
pour nouveau batiman
Diskour

Delivre par:

NAADIR HASSAN

MINISTER FINANS, PLANIFIKASYON NASYONAL EK KOMERS

Merkredi le 29 Zen, 2022

9.00 er bomaten

Prezidan Wavel Ramkalawan

'First Lady' Linda Ramkalawan

Vis Prezidan Ahmed Afif

Spiker Lasanble Nasional

Lider Zafer Gouvernman dan Lasanble Nasional

Bann Koleg Minis ki prezan

Reprezantan zesyon SRC e osi zesyon GICC

An obzervan tou Protokol, en gran bonzour zot tou e mon akey zot pou sa pti levennman ozordi a lokazyon nou zournen nasional e lazournen nou lendepandans.

Sa levennman i mark en letap enportan dan listwar SRC e sa i premye pyer pou son prop batiman. En proze kinn ganny finalman konsevwar avek partisipasyon GICC (lakonpanyen Gouvernman pou bann proze parey) e i en batiman modern ki pou osi ede sanz fasad nou lavil, prenan kont ki rol SRC i enn ki vreman enportan e monn dir sa a plizyer repriz dan lepase.

Menm resaman pandan prezantasyon son rapor anyel pou lannen 2021, kot inn kolekte en total 6.5 bilyon roupi ki aepre 365 milyon roupi anplis ki lannen 2020.

Pandan sa dernyen 3 zan SRC inn kontribye an mwayenn plis ki 85% reveni bidzeter gouvernman. Larzan ki ganny servi pou finans fonksyon gouVERNMAN e serten proze sosyal ek kominoter.

Sa batiman ki son 'konsep' pou ganny devwale dan en pti moman par son arsitek Msye Vincent Ah-Time, i ekspekte anmenn plis sinerzi dan loperasyon SRC e ede amelyor nivo servis ki i ofer.

An Zanvye 2010, kan SRC ti ganny kree anba SRC Act, i ti annan 260 travayer e ozordi (douz an pli tar) sa Komisyon i anploy 362 travayer (78% madanm e 53% travayer I par anba laz 35 an). En lekip ki annan bokou zenn avek potansyel pou progresyon sa Komisyon.

Travayer e bann lofis SRC lo 'Mahe' i malerezman ganny disperse en pe partou:

- Servis Taks ki an se moman i dan batiman Maison Collet e servis La Douann ki kot Customs House, pou tou lede ganny transfer dan sa nouvo batiman enkli servis parsel e en konponan servis ‘courier’.
- Sa batiman pou osi akomod bann lezot departman par ekzanp konesyon, ‘bond’ avek excise tax ki ganny trouve dan batiman Sunshine House;
- HR ek IT ki dan Unity House; e
- Osi Post Clearance Audit ki baze kot airport cargo.

Bann diferan lokasyon ki SRC I okipe konmela, I montre nou difikilte ki zeson SRC I rankontre pou anmenn tou son travayer ansanm e donn sa direksyon neseser pou pli byen akonpli son manda. Kou son loperasyon an term peyman ‘rent’ pou bann batiman ki I okipe, I plis ki 22 milyon roupi par lannen e sa I annan lenpak negativ lo kou koleksyon taks!! Sa larzan i pou kapab prezan ganny servi pou envestir dan repeyman fasilitate kredi ki GICC pou pran, apre ki batiman I konplete.

Louvertir sa batiman (ki ekspekte konplete a lafen 2024 ou boner 2025 - *o menm letan ki SRC pou selebre 15 zan lekzistans*), pou kree loportinite lespas pou lezot departman SRC, ki trouve lo por e osi lo erport. Fasilitate re-devlopman erport enternasyonal e por komersyal pou osi ede amelyor bann fasilitate ki bann travayer SRC pe okipe dan sa de lokasyon.

Sa I selman en konponan bann travay re-organizasyon ki pe ganny fer pou amelyor la fason ki SRC I zer son loperasyon. Ansanm avek bann proze inovativ an servan nouvo teknolozi, SRC I swete vinn sa lotorite ki pran lavans dan ‘ease of doing business’ dan Sesel. SRC I rekonnert ki i annan bokou pou fer pou ariv a sa nivo, me zeson SRC inn komet atraver son bann nouvo lobzekativ stratezik pou lannen 2023-2025 (*ki pou lanse byento*), pou fer en diferans dan son nivo servis ki I ofer avek piblik.

Mon salye tou bann travayer e zestyon SRC ki pe met sa zefor ekstra pou delivre en servis a la oter e zwe sa rol enportan ki zot annan konman bann zofisyen taks e la douann respektivman. Mon toutafe agree avek zeson SRC ki en nouvo batiman i bezwen vinn avek en nouvo fason fer keksoz, enkli en pli bon kiltir travay. Gouvernman in donn son komitman pou kontinyen donn son siper SRC e i nou swe ki tou plan e vizyon SRC i ganny akonplir pandan sa prosen 3 zan pou benefis Sesel e Seselwa an zeneral.

I reste pou mon swet zot tou isi prezan e tou travayer SRC en bonn fet
Ledepandans e osi bonn fet nou lazournen Nasyonal.

Mersi